

توناوکونگی اوریش باشیلر بو کونگی چاغده اولوس باشیلیک ادعاسینی قیلماقده لر.

کیچکن ییگیرمه دن آرتیق ییللر آقیمیده افغانستان چاره سیز اولوسی بیر قنچه خیانتچی کیمسه لر طفیلی مینگلرچه قیینچیلیکلرگه دوچ کیلدیله. برچه گه انیق کیم بو کیمسه لر بیزنینگ سیویملی اولکه میز تمانیگه یمان کوز تیککن یات اولکه لر و بیر نیچه اوز قوشنی اولکه لریمیزگه قللیکنی یخشی راق بحریش اوچون اولرنینگ بویروغلریگه باقه اوز قوینیده باقیب اولغیتیرگن آنه یورتیمیزی بوزیب، ایلیمیزنینگ باشیگه مینگ تور بلالرنی کیلتیردیله

بیله میز کیم بو کیمسه لر اوتمیشده کوچلری آرقه لی ایلنی یوز تورلی تومن کوریملرگه یوزمه یوز قیلیب، اوزلری و بادارلری نینگ چیرکین ایستگلری تحققگه بیریشیشی اوچون اولوس توغریسیده هیچ قندی ظلم و ستمنی ایه مه ی، ییگیترلنی اولوم بوغیزیگه ییباریب، ینگی ییگیت کیلینچکلرنی تول و یاش باله لرنی آته آنه لریدن اجره تیب، یتیم قیلیب، کوز یاشلرینی آقیزدیله. آته جان و آنه جانلرگه فرزندلری داغینی کورستیپ، یورکلرینی قان، کوزلرینی گریان و تیک بویلرینی کماندیک بوکدیله. اوقوو یورتلرگه اوت سالیب، بیلملی کیمسه لرنی یوغاتدیله. سناقسیز کیشیلرنی عایله لری بیلن بیرگه اوز اویلریدن بیراق، چیت اولکه لرگه سورگونلب ییباردیله کیم بونگه مینگیزلی بلالرنینگ مینگدن بیرینی ایسلب اوتیشگه هم بو قیسقه بیتیکده قلمیم مجالی آزلیک قیله دی. منه ایندی ایسه اوریش و تارتیشو دوری یکونله گنی سببلی باشقه یول تاپمسدن رنگارنگ سوزلر بیله اولوسنی الدب یول آلیش نیتیده هر تمانگه اوزلرینی اورماقده لر. اولر یلغوز حاضر ایمس بلکیم تیریکلیک اینگ سونگی پیتیگه

چه هم قوللريدن كيلگنيچه بوييني پيچاق كيسگن حيوانديك تلپينيشلري ممكن. "كيم كورمه گي، كيم تارتمه گي" ديگنلريدك بولرنيگ آغريلري دواسيزليگي قوياشديك انيق. بو كونگي پيتمه ينه بير تماندن ايسه انه شو آتدن توشيب، ييگردن توشمه گن ناسپاس كيمسه لر قرا يوزلريگه چريم تارتيب، اوياتسيزليك بيلن بيز اولوس باشي ميز ديب، اولوس باشليك آتيگه اته ليش مقصديده اورينماقده لر؛ بيراق بيزنيگ ايرك سيور ايليميز بو كبي اوز يورتداشلري، ايني و آغه لري قانيگه قوللري بولغنيب، تاريخ بوييچه يوزي قرا كيمسه لرنى يخشى تانيديلر. بو كون بولمه گنده هم ايرته بير كون بو اوريش باشيلر و جنايتچيلردن اوچ آليش اوچون اولرنى ياسا پنجه سيگه تاپشيريشرى ممكن. اولرنيگ ايشلرينى تاريخ هيچ قچان ايسدن چيقرميدى.

رضوانقل - افغانستاندن